

# kontuola

**KONTUOLA, Idolaz elkarte, ANTZUOLA. Kazetaria:** Marijo Deogracias **Maketazioa:** Iñaki Iturbe **Publizitatea:** Uxu Zabaleta **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Mariipi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

*Antzuolako hamabostekaria, 38. zenbakia. 1999ko maiatzaren 28a.*

## Haurren Dantzari Eguna domekan

### Eskualdeko dantza taldeak Antzuolan arituko dira egun osoan

**Dantzari Eguna ospatuko da datorren domekan Antzuolan. Goizean eta arratsaldean eskualdeko dantzariak kalerik kale arituko dira euren dantzak erakusten. Aurten ere, neska-mutikoak herri-tarrek hartuko dituzte etxeetan, bazkaltzeko orduan.**

#### ARRATSALDEKO SAIOA

Bigarren saioa, arratsaldekoa, hain zuzen ere, 17:00etan hasiko dute. Hori ere Herriko plazan izango da eta herri bakoitzak dantza bana eskainiko du. Antzuolako Oinarin dantza taldeko neskak izan dira saio horretan. Hauek Villabue-

nako Te Vi dantza eskainiko dute, lehen aldiz herrian.

Horren ostean, dantza talde guztiek batera beste saio bat eskainiko dute eta oraindik dantzan egiten segi nahi duenak horretarako aukera izango du, erro-meria antolatuta da eta. ■



**I** az ez bezala, aurten ospatu egingo da Haurren Dantzari Eguna Antzuolan. Arrasate, Soraluze, Oñati, Aretxabaleta eta Eskoriatzako dantza taldeetako neska-mutikoak etorriko dira herrira. Noski, herriko Oinarin dantza taldeko dantzariak ere kanpotarrekin batera aterako dira.

Goizeko 10:00etan herriko txistulariak kalejiran aterako dira eguna alaitzen joateko eta 10:30etan, eskualdetik etorriko diren dantza taldeei ongietorria egingo zaie pilotalekuan. Horixe izango da hamarretakoa egiteko aukera, segidan auzoz auzo joango dira eta talde guztiak. Baina ez dira batera joango. Banatu egingo dira, batzuk plazatik gora eta beste batzuk plazatik behera. Hasiera ordua 11:15ak izango da.

#### EGUERDIKO SAIO NAGUSIA

Eguerdiko 12:30etan Herriko plazan elkartuko dira berriz ere talde guztiak eta saio nagusia eskainiko dute. Guztiek batera dantza batzuk eskainiko dituzte, bazkaltzera joan aurretik. Izan ere, etxeetan hartuko dituzte antzularrek eskualdeko dantzari txikiak. Hori dela eta, prest agertu diren guztiei 13:45etan pilotalekuan ager daitezela eskatu diete aurrez Oinarin dantza taldeko kideek.



*Herriko jaietan Oinarineko dantzariak eskainitako dantza saioa.*

■ ■ ■  
150 dantzari txiki etorriko dira domekan  
Antzuolara, Dantzari Txikien Egunean  
■ ■ ■

# Hiesari buruzko III. sentikortasun astea

**Hies Ekimenak** Hiesari buruzko sentikortasun astea antolatu du Antzuolan ekainaren bitik seira bitartean. Soo Bitxo komikiaren aurkezpenaren ostean

antolatu dituzten ekitaldi hauekin hiesaren inguruan dauden mamuak argitzea nahi dute antolatzaileek. Hori dela eta, eguaztenean (ekainak 2), kartel erakus-

keta irekiko dute udaletxeko areto nagusian. Honekin batera mahai informatiboa eta diapositiba emanaldia eskainiko dute, 19:00etatik 20:30etara. Herriko eskolan azken kurtsoan ari diren haurrek ere erakusketa horretara joango dira. Eguenerako (ekainak 3), hitzaldi-etzabaida antolatu dute 19:00etarako, udaletxean. "Pertsona seropositiboaren erregistroa zer da, zer eragiten du?" izenburupean, aspaldian horrenbeste hika-mika sortarazi dituen asmoari (seropositiboak zerrenda batzuetan izatea) helduko diote Hies Ekimeneko kideek. Eguakitzean (ekainak 4), Peter Horton zuzendariren "Que nada nos separe" filmea eskainiko dute zinetokian, 19:30etan. Kartel erakusketa domekara arte egongo da zabalik, 12:00etatik 14:00etara eta 19:00etatik 20:30etara asteburuan. Astegunetan, udaletxeko ordutegian.



1997an egindako Hiesaren gaineko hitzaldia.

## MOTZIAN

### PP UDAL HAUTESKUDEETAN

Alderdi Popularrak hautagai zerrenda aurkeztuko du Antzuolan ere ekainaren 13ko udal hauteskundeetan. Edorta Joxeba Gabilondo donostiarra aurkeztuko da alkatezarako.

### ANOREXIA, BULIMIA ETA HEZURRAK

Eroskiren Kontsumo Aretoak bi hitzaldi antolatu ditu ekainaren 1 eta 2rako. Lehenengoak hezurretako mina izango du hizpide eta bigarrenak, ekainaren 2an, eguaztena, Anorexia eta Bulimia. Biak ere 17:30etan izango dira, udaletxean.

### OHARRA

Datorren domekan, maiatzak 30, Felix Aseginolaza Araiztegiren aldeko meza emango da parrokian, 11:30etan. Felix, iazko azaroaren 28an hil zen.

## EHren aurkezpena

**Joan zen maiatzaren 2an** aurkezpen ekitaldia egin zuen Antzuolako Euskal Herriarrok alderdiak. Herriko pilotalekuan atera zuten argazki ofiziala, baina ekitaldian, EHrekin bat egin nahi izan zuten antzuolar asko elkartu ziren. Hasiera batean argazkia kalean atera behar bazen ere, azkenean eguraldi txarragatik pilotalekuan egitea erabaki zuten arduradunek, une historiko hori jasotzeko. Gutxi gorabehera ehun bat lagunek eman nahi izan zioten euren laguntza EHri.



**LEKU-BERRI  
MERENDEROA**

**Janariak eta edariak**

Tf. 943 76 60 94

**HARIZKI**

**MUEBLES  
IGEIA**

Zurrategi plaza 4, behea ANTZUOLA Tf. eta faxa 943 78 71 80

Sukalderako eta bainurako altzariak  
Altzari rustikoetan  
espezializatuak

## Deskarga erreka bideratzeko egitasmoa

Hamar urte daramatzagu erreka bideratzeko arazoa konpontzeke. Uholde- en arriskuak hor jarraitzen du, udaleko arduradunen arduragabekeriaren eta kal- tetuek ipinitako traben ondorioz.

Bi egitasmo daude eskuartearen: ba- ta, erreka Herriko plazaren atzealdetik estali gabe bideratzea. Bestea, plaza- tik, baina estali gabe, eta Herriko plaza- ren atzealdetik gainezkabidea egitea.

Erreka bideratzeko egitasmoaren eragin zuzena jasango dugunok geu gara eta arazoari irtenbidea emateko ondo- rengo kontzeptuei lehenasuna eman be- harko litzaike aipatzen diren ordenean:

- 1- Segurtasuna. Antzuolako bizilagun guztien segurtasunak beste ezerk baino lehenasun handiagoa du, gure ustez.
- 2- Ingurugiroa. Ingurugiroaren gaineko azterlan bat egin behar da, ondorio kal- tegarriak ezagutzeko.
- 3- Egitasmoaren ondorio kaltegarriak: etxeak botatzea, espazioak galtzea...

Erreka plazaren atzealdetik eta es- tali gabe joateak plazako bizilagunen bi- zia arriskuan jartzen du. Eusko Jaurlari- tzak EAeko erreka eta errekatxoaren baz- terrak antolatzeke lurralde Plan Sektoria- lean onartutako ingurugiroari buruzko irizpideak ez dira bete. Eta egitasmoak bizilagun kaltetuei espazioa galtzea eka- rriko die. Ulergaitza da Udaleko alderdi politikoek, ingurugiroarekin hain ardura- tsuak direnek, onartutako egitasmoaren gaineko azterlan bat ez eskatu izana.

Kaltetuok lanean jarraituko dugu guztien segurtasuna zaintzeko. Esan nahi dugu egitasmo honen alde egingo dugula: erreka oraingo ibilbidea man- tentzea (plazatik estalita), ondo dragatu- ta eta gainezkabide estalia egitea, pla- zaren atzealdetik. Horixe da egitasmorik seguruena eta Antzuolako bizilagun guz- tien adostasuna duena.

**Herriko Plazako Kaltetuak**



## Bizilagunen protesta bitxia

**Honelakotxe itxura** dauka Herriko plazak hilaren hasieratik. Izan ere, Herri- ko plazako bizilagunek kaleratu egin nahi izan dute erreka gainean duten iritzia, eta horretarako euren etxeetako balkoietatik "Errekak badu bere bidea.

Alibiaderoa estalita" dioten pankartak zintzilikatu dituzte. Aspaldikoa da bai erreka kontua, eta Udalak erabakia hartu duen arren, bizilagunek ez dute nahi erreka atzetik eta estali gabe egi- tea.

## Ederra langintza erle artean



**Erleak kendu** behar izan zituen Eguzkitzako Marisabel Arregik pilotaleku ondoko zuhaitzetatik. Baserrian ere ba omen ditu, eta lasai asko zuhaitz gainera igo eta hortxe jardun zuen eskobarekin erleak astintzen. Dena dela, eta badaezpada ere, sekulako jantzia zuen soinean. Erleak ez dira ez bakean lagatzen zaituzten horie- takoak, euren sailtan sartuz gero, behintzat!

**GOROSTI**  
**Taberna**

☎ 943 76 62 96  
Zurrategi plaza ANTZUOLA



Kalebarren 7, ANTZUOLA Tf. 943 78 71 12

**Euskal**  
**sukaldaritza**

**Eguneko**  
**menua**



IGELTSEROTZA

Jose Luis Zabalo

Birgaitzeak • Fatxadak  
Teilatuak • Sukalde eta bainu gelak

Kalegoi 9, 1a., ANTZUOLA Tf. 943 76 60 89

# Gimnasia erritmikoko txapelketara

## Aintzane Narbaezek Espainiako txapelketa jokatuko du

Aintzane Narbaezek 13 urte ditu eta dagoeneko Gipuzkoako junior mailako txapelduna eta Euskal Herriko azpitxapelduna da gimnasia erritmikoan. Maiatzaren 15 eta 16an jokatuko den Euskal Herriko txapelketan, 0,04 puntugatik ez zuen lehen saria eskuratu. Dena dela, Aintzane Zaragozara abiatuko da asteburu honetan Espainiako junior mailako banakako txapelketa jokatuzera.



Aintzane, bigarrena eskumatik, erakustaldi batean.

S

ei urterekin ekin zion Aintzane gimnasia erritmikoa egiteari. Orduan gustuko zuelako erabaki zuen kirol hau egitea, baina gustua baino gehiago dela erakutsi du

behin eta berriz. Izan ere, hamairu urterekin Espainiako gimnasia erritmikoko txapelketara joatea ez da egunero lortzen den zerbait.

Bergarako taldearekin hasi zen orain dela zazpi urte. Orduan ez zuen txapelketetan pentsatzen, baina aspaldi honetan derrigortua dago horrelakoetan kontzentratzera. Gaur egun, Eibarko Ipurua taldean ari da.

Lehenengo txapelketan bederatzi urte zituen eta harrezkero urtero saillatu da bere taldearekin Euskal Herriko txapelketarako. Orain, pausu handiagoa emango du Aintzane. Maiatzaren 28tik 30era bitartean, Zaragozan izango du

Sokarekin jardungo du Aintzane, Zaragozan jokatuko den junior mailako txapelketan

bere lehenengo banakako txapelketa. Aitortu digunez "ilusioa bai, baina ez da batere erraza izango. Oso maila handia izaten da horrelako txapelketetan. Bana nire lehenengo txapelketa izango da eta urduritasunari eustea ez da edozelako lana izango".

Aintzane beti taldeka hartu du parte eta orain bana aritzeak beldur piska bat ere ematen dio. Baina etxeko laguntza dauka. Bere amak ahal duen guztietan laguntzen dio eta ulertu ere egiten du hamahiru urterekin ezin zaiola askorik eskatu. Dena dela argi dauka Aintzane zaila izango duela Zaragozan.

"Sekulako maila izaten da horrelakoetan. Lehiakortasun izugarria dago. Neska hauek asko zaindu behar dira. Pisua zaindu behar dute eta gureak esaterako denetik jaten du".

Espainiako txapelketarako txartela lortu ondoren, selekzioko kide izatea lortu nahi duen galdetean, Aintzane hori ezinezkoa dela aitortu digu, "hori dagoeneko lortua izan behar nuen. Orain berandu da. Dena dela, ahal dudan ondoren egiten saiatuko naiz".

Soka izango da Aintzane erabiliko duena, horixe baita berak gustuko duena eta "ondoan erabiltzen dudana". ■

**AITZ-GARBI**  
  
**taberna jatetxea**  
 Pintxoak eta kazuelatxoak.  
 Bazkariak eta afariak  
 Kalebarren 15. Tf. 943 78 70 51

DEKORAZIOA  
**ABAD**  
 PINTURAK  
 ANTZUOLA  
 PAPER PINTATUAK

Jose Gomez  
 Abad

Errekalde 6, 4-B. Antzuola  
 943 76 60 19  
 943 76 60 43

igor eta Txomin

Pintura orokorrean.  
 Paper, tela, binilo, kortozko... estaldurak.  
 Gotelesa, iztukuak eta  
 bestelako imitazioak.

ANTZUOLA BERGARA  
 ☎ 943 76 60 39 ☎ 943 76 19 98

LARREA

TABERNA

Kalebarren 17  
 ANTZUOLA